

Xlimactiy Xcarta San Pablo Huantü

Tzóknih Timoteo

Umá xlimactiy carta huantü San Pablo tzóknih Timoteo ahuayu luu xtachuná huantü luu pulh titzóknih, porque nac umá carta limákalhchuhuinicán Timoteo pì huantü akstítum catláhualh xtascújut Cristo y calipáhua y catayánih nac xlatámät cumu “lá chätum sculujua xropa Jesucristo” (2.3). Xahuachí huanicán pì lätä akstítum nalipahuán Cristo y nalichuhuinán xtachuhuin lhuhua huantü amácalh limáakspulicán, hasta naliputzastalacán, natamacnucán nac pulachin o nachihuilicán, y lhuhua huantü nalimapatinicán caj xpälacata cumu liscujma Cristo. Pero lacatancs huanicán Timoteo, para xlicana lacxtum täniyáhu Cristo mima quilhtamacú acxnì lacxtum natamápeksinanáhu nac xpumápeksín.

Xahuachí limákalhchuhuinicán Timoteo pì xliankalhiná quilhtamacú calikalhtahuákalh amá xtachuhuin Dios huantü makán tatzoktahuilanit nac likalhtahuaka (3.15-16).

Nac umá xcarta San Pablo lichuhuinán lätä lácu aya makasá patinaniit nac pulachin y lacpuhuán pì aya talacatzuhujma quilhtamacú acxnì namaknicán. Limaakatzankey Timoteo pì nà juerzaj catlahuánih laqui natayaniy nac xlatámät y camakantaxtikoh huantü Dios lilacsacnit cumu la xlá xmakantaxtinit nac xlatámät.

1 Aquit Pablo xapóstol Jesucristo, porque Dios quilacsacnit pì nac-liakchuhuinán amá lipaxúhu latámät huantü xlá malacnuy nacamaxquiy lätachá ticu nalipahuán Cristo Jesús.
²Luu çana lipaxúhu ctzoknimán eé carta huix Timoteo huantü cli-maxtuyán quinkahuasa porque cpaxquiyán, aquit clacasquín pì Quintlaticán Dios xahua Quimpuchinacán Jesucristo catasiculanatlahuán y catamaxquín huantü tlan latámät.

Tancs xlimälulókot Timoteo pì lipahuán Cristo

³Timoteo, xchaliyán lacatzisa y catzísni acxnì kkalhtahuakaniy amá Quintlaticán Dios huantü akstítum clacsujnima chuná cumu xtalipahuán y xtascujnimánalhalakmakán quilitalakapasni, aquit clacapastacán y cpaxcatcatziniy Dios caj xpälacata huantü tlahuama nac milatámät. ⁴Acxnì aquit

clacapastaca lata huix tasa acxni tapajpitzihu, hasta caj ucu xacuc-xilhni clacpuhuán laqui chuná xackalhipá tapaxuhuán caj mim-palacata, ⁵porque aquit stalanca ccatziy lácu akstítum lipahuana Cristo, masqui xlicana pi pulh huá lipahuanit tamá minana huanicán Loida xahua mintzí Eunice. Pero na lacatancs cmaululoka pi huix nachuná akstítum lipahuana. ⁶Huá xpalacata climaaatzankeyán pi camauxcáni tamá xlitlihueke Dios huantü huix maklhtínanti amá quilhtamacú acxni aquit kkalhtahuakánilh Dios mimpalacata y cliacchipán quimacán. ⁷Porque Dios ni quincamaxquinitán xlitlihueke Espíritu Santo laqui caj chapecuaj nalatamayáhu, huata huá quincalimaxquinitán laqui nakalhíyáhu litlihueke, tlan talacapastacni y laqui nacapaxquiyáhu lalachá tícu ya cristiano. ⁸Ñexnicú tili-maxanana lata tancs maluloka pi lipahuana Quimpuchinacán Jesús; na nipara aquit nexnicú quintili-maxanana pi ctanuma nac pulachin caj xpalacata cumu na clipahuan Cristo. Huata huix catatayani tamá litlihueke huantü Dios maxquiyán, masqui lhuhua huantü lipatiya nac milatamat caj xpalacata mintacanjlat y cumu lichuhuínampat tamá lipaxúhu xtachuhuín Cristo huantü mastay laktáxtut. ⁹Dios quincalacsacnitán laqui namacamaxquiyáhu quilatamatcán porque huá quincalakmaxtún, pero ni huá quincalilakalhamán cumu para túcuya tlan tascújut makantaxtíhu sinoque chuná tuncán xlaclhca-huilinít pi naquincalakmaxtuyán

cumu snun quincapaxquiyán y antá stalanca masiyulh nac xlatamat Cristo Jesús. Hasta lata Dios niá xmalacatzuquiy caquilhtamacú xlá chunatiyá xquincalacsacnitán y xquincapaxquimaná, ¹⁰pero acxni chú macámilh Quimakaputaxtinacán Jesucristo nac caquilhtamacú luu lacatancs malúlokli pi xlicana quincalalalhamanán, porque xlá makatáljalh xlihuak xlitlihueke xpuchina calinín y caj xpalacata umá xasasti xtamacatzinín huantü mastay laktáxtut antá stalanca quincamacatzinimán lácu nakalhíyáhu amá lipaxúhu latamat huantü nexnicú laksputa para nalipahuanáhu.

¹¹Dios quililácsacli laqui nacliakchuhuínán eé xasasti xtamacatzinín, y quilimáxtulh xapóstol Jesucristo huantü lihuana nacalimakahchuhuiniy cristianos. ¹²Pus huá xpalacata aquit clitayanima masqui lhuhua huantü cpatima uú nac pulachin; huampi nipara tzinú climaxanán porque stalanca ccatziy tícu cmacamaxquinit quilatamat, xahuachí ccatziy pi Dios kalhiy litlihueke laqui naquimaktakalha nitü naquiakspulay hasta nalakchán quilhtamacú acxni nacmakantaxtikoy umá xtascújut huantü quimacuentajlinít. ¹³Huix akstítum calilatapa tamá xatlán talacapastacni huantü aquit cmsiyuninitán, xahua mintacanjlat y amá tapaxquit huantü aquinín kalhiyáhu cumu huá tatalacastucnitáhu Cristo Jesús. ¹⁴Camaxqui quilhtamacú tamá Espíritu Santo huantü lama nac quilatamatcán pi namaktayayán laqui lihuana nama-

kantaxtiya mintascújut huantü Dios lïlacsacnítan naliakchuhuinana.

¹⁵Cumu la huix stalanca catziya pi xlihuak amaqolh natalán huantü uú xtahuilánalh huantü xalac xapulataman Asia quintaxtekmakankolh, naxhuná quintatláhualh quintalacán Figelo xahua Hermógenes; xliçana pi lan quintamakalipúhua acxni chuná quintatláhualh. ¹⁶Aquit clacasquín pi Quimpuchinacán cacasiculanatláhualh y cacamaktáyalh Onesiforo chu xliitalakapasni, porque xlá maklhuhua quimauxcánilh y quimaukpuwantiyánilh acxni aquit xaclipuhuama, y ni quilimaxánalh masqui aquit xactanuma nac pulachin. ¹⁷Na acxni milh uú nac xacachiquín Roma quilacapútzalh hasta quimanóklhulh. ¹⁸Pus huá Quimpuchinacán calakalhámalh y camáxquilh xlaktáxtut acxni nalakchán amá quilhtamacú namimparay xlimaktiy, porque huix stalanca catziya lata lácu xlá quimaktáyalh acxni xlamancháhu nac xacachiquín Efeso.

Huanicán Timoteo pi cascuji cumu la çatum sculujua xtropa Jesucristo

2 Pero huix quinkahuasa Timoteo, huá catatayani tamá xlihtihueke Cristo laquí chuná tancs namakantaxtiya mintascújut. ²Huantü huix kaxpatniña pi cçalimakahchuhuinñit lhuhua cristianos lata lácu lïhuana natalipahuán Cristo, pus naxhuná huix cacalimakahchuhuinñi amaqolh huantü luu laktihuekén talitasiyuy xtaçanajlatcán, laquí chuná xlacán na natalimakahchuhuinñi xamakapitzin cristianos.

³Huix huak tlan catlahua y paxuhuaña capati huantü akspulayán cumu la çatum sculujua xtropa Jesucristo. ⁴Acxni çatum tropa makantaxtima xlitascújut huantü lakayahuacanit, nitü tiliscujparakey atúnij tascújut huata caj xmanhuá lïscuja huantü limapeksicanit laquí chuná namakapaxuhuay xpuxcu.

⁵Naxhunalitüm acxni çatum kamaná huantü latlajama para xaticu atzinú tlak tlan kamanán, xliçana pi ni catimaxquicalh xtrofeo para nichuná namakantaxtiy lata lácu xlikamánat xuanit. ⁶Pus naxhuná camakantaxti mintascújut cumu la amá cristiano huantü scujsma y chananama nac xçatuhuán, tancs tlahuay xtascújut porque catziy pí pulh huá lakchán nalihuayán huantü antá namakalay. ⁷Xlihuak umá huantü aquit cuanimán, huix lïhuana calacapas-tacti lácu atzinú nalimacuaniyán nac milatámat, xahuachí Dios namaktayayán laquí naakataksa xlihuak huantü huix catziputuna.

⁸Xahuachí necxnicú tipatzankaya nalichuhuinana Jesucristo, pus huá umá tachuhuin huantü aquit cçalimakahchuhuinñi cristianos pi Cristo huá xliitalakapasni xuanit xamakán kolutzin rey David, pero cumu Xkahuasa Dios huá lïlacastacuánalh nac çalinín, y para xlacán na natalipahuán pus na nacalakmaxtuniy xliñstancicán. ⁹Xliçana pi caj xpalachata umá xasasti xtamaçatzinín lhuhua tapatín huantü aquit clipatima y hasta caj huá xpalachata masqui quilimacachicanit cadena cumu la çatum makniná; pero masqui aquit quinchicanit amá

lipaxúhu xtamacatzín Dios nítu chimácalh. ¹⁰Huá xpálacata aquit clítayanima masqui lhuhua huantu cpatíma nac quilatámat laqui chuná naccalimaktayay amakolh huanti Dios calacsacnit y xlacán na natalcalhiy laktáxtut chu amá lipaxúhu latámat huantu neçxnicú laksputa para natalipahuán Quimpuchinacán Cristo Jesús.

¹¹Luu xtalulóktat amá takalhchuhún huantu chiné huan:

Para aquinín tancs catziyáhu pi aya taninítáhu Cristo, pus na quilicanajlatcán pi acxtum natalatamayacháhu nac akapún.

¹²Para lanchú lhuhua huantu patimánáhu caj xpálacata, na tancs cacatzíhu pi lacxtum natamapeksinanáhu.

Pero para aquinín ni litayayáhu nac xlatatincán cristianos pi lakapasáhu, pus na nipara huá catilitáyalh para quincalakapasán.

¹³Masqui acatunu aquinín ni luu xlicana akstítum lipahuanáhu, pero xlá chunatiyá quincalakalhamanán.

Porque nílaj caj naaksaninán y ni namakantaxtiputún huantu aya quincalítayaninítán.

Pablo huaníy Timoteo pi tancs camakantáxtílh amá tascújut huantu Dios lilacsacnit

¹⁴Huix lihuana cacamalacapistacni cristianos y cacalimapeksi nac xlatatín Dios pi nij cataliaklhu-huátnalh amá tachuhún huantu nítu limacuán, porque xlicana pi taaklhúhuít nítu limacuán, huata

caj talilaclatayay xlihuak huanti cakalhakaxmata. ¹⁵Huix juerza catlahuani lihuana namakan-taxtiya mintascújut huantu Dios lilacsacnitán laqui chuná nalitax-tuya çatum tlan xtasacua huanti akstítum lama y nítu catilimamaxanícanti porque tancs masiyúpat amá xatalulóktat xtachuhún Dios huantu mastay laktáxtut. ¹⁶Neçxnicú tilichuhúnana tamá talacapistacni huantu uú xala caquilhtamacú porque nítu limacuán xahuachí caj huak xtalacapistacnicán cristianos, y xlihuak huanti chuná talikalhchuhúnán lihuaca talilaktzankatayay nac talakalhín. ¹⁷Y amá lixcájnít tachuhún huantu tamasiyuy lalihuán talakapuntumiy xtachuná cumu la surumpiyu tajátat, huatiyá umá huantu talilaktzankatayanít Himeneo xahua Fileto. ¹⁸Cumu nij chuná tacanajlay xtalulóktat Dios xlacán tahuán pi acxni naniyáhu nij catilacastacuanáhu nac calínín porque la quililacastacuanatcán xuanít aya kantaxtunít nac quilatamatcán, chuná taliakchuhúnampulay y lhuhua cristianos akatiyuj catlahuana xtacanjlatcán. ¹⁹Pero aquinín stalanca catziyáhu pi Dios lihuana çaxuilínít xtalacapistacni huantu nipara çatum tícu catilacxtláhuah y antá chiné tatzoktahuilanít: “Mimpuchinacán huak çalakapasa huanti tatapeksiniy”, y lacatum chiné huamparay: “Y xlihuak huanti talipahuán Quimpuchinacán Cristo catalakmákalh xlihuak huantu lixcájnít talakalhín.”

²⁰Cumu la huixinín catziyátit pi antanícú tlaná huilácalh nac aktum

lanca chiqui lhuhua jalán kalhicán, makapitzín pulatu xla oro, vasos xla plata, y na kalhicán makapitzín xla páklhat chu xla liltámat tíyat; amákolh huantu xla oro o plata caj xman çapuhuayancán acxni tlahuacán lanca paxcua o caj licácniit likalhicán, y makapitzín jalán huantu xla quihui chu xla liltámat caj chunatá limaclacasquincán.

²¹Pus xlihuak amákolh cristianos huanti talakmakán huantu lixcájnít talakalhín nac xlatamácán talitaxtuy cumu la vaso chu pulatu xla plata y xla oro huantu çalilakachixcuhucán Dios. Para tícu luu akstítum nalatamay Dios nama-cuentajliy xtascújut.

²²Huix catzalamákanti xlihuak huantu ni çamininiy tatlahuay lakkahuasán y nichuná caca-macastala, huata caj xmanhuá akstítum calilatapa mintacanájlat lata lipahuana Dios, lata çapax-quiya mintacristianos, y akstítum calatapa nac xlakstipancán huanti xlihuak xlitlihueke xnacujcán taquilhçaniy Quimpuchinacán.

²³Huix calakmákanti xlihuak huantu caj xtalacapaścacnicán cristianos huanti caj talimaaklhu-hujnamputún maşqui tahuán pi huá xaxlicana tlan talacapaścacni, porque huix aya catziya pi niñu limacuán huata caj antá talimatzuquiy tasítzi. ²⁴Porque çatúm cristiano huanti aya macamaçquiniit xlatámat Quimpuchinacán nipara tzinú mininiy caj xman natatlan-çaniitakchokoy, huata xlá mininiy pi latachá tícuya cristianos tlan cacacatzínih, cakálhilih lişkalala laquí nacamaçkalhchuhuniy

cristianos, y maşqui túcu niñlán natlahuanicán xlá ni pála xlişítziit o xliaklhuhuátnat. ²⁵Y para tícu catziy pi tlahuama huantu niñlán talakalhín, xlá mininiy pi lacatiitum camakalhchuhuinilh, chicá para xamaktum Dios nalakalhamán y chuná natalakapasa huantu xlá kalhiy xtalulóktat, ²⁶y chuná nata-tzalaníy akskahuiní huanti xtachín çalilama y çamatlahuima huantu xlá lacasquín natatlahuay.

Lácu natalay cristianos acxni talacatzuhujimáj nahuán

quilhtamacú lata namimparay Cristo

3 Timoteo, huix luu milicáztit pi acxni aya talacatzuhujimáj nahuán quilhtamacú lata namimparay Cristo luu catuhúa huilanáhu nahuán. ²Lhuhua cristianos huanti caj xman sacstucán nacçaklihuancán, xman huá luu natalakatilacán natakalhiy lhuhua tumin; luu lactalipahu nacamaçkheatzicán y natalacatquinán, xahuachí catuhua huantu xala umá çaquilhtamacú caj laksputa y niñu limacuán xlacán huak natalakatiy. Hasta calghuá natalikalhçamanán xtachuhuin Dios y niaj catitakalhakáxmatli huantu nacalimapeksiy xtlacán huata natalakhakaxmatmakán, maşqui Dios xçalakalhamaniit çamaçlacnüniniit nacçalakmaçtuy, xlacán caj natalakmakán y niñpara tzinú catitacacniínih xlihuak huanti talipahuán Dios. ³Xlacán nipara çatúm tícu catitalakalhmalh, y para tícu nacatlahuaniy huantu niñlán ni catitamatzan-kenánih, xahuachí xlacán lanca

xaaksaninanín natahuán, luu lanca çalakayácalh nahuán y luu tlakaj natalilay xmacnicán y lñhua huantü lixcájnit natalitlahuay, luu laclixcájnit natalicatziy y ni catitauzcilhputúlh huantü tlan tascújut.

⁴Hasta sacstucán natzucuy laliakskahuinín nalalitalakaspittayay y nìpara tzinú catitalacamaxánalh, tlancaj nacamaklhcatzicán cumu la tì nìtù catzankaniy, xahuachí caj luu xmanhuá natalaktzaksay lácu natamakapaxuhuay xmacnicán ni xahuná catitalacpútzalh lácu lihuana natalipahuán Dios.

⁵Tamaqolh cristianos çalakuán natamañiyuputún pi luu talipahuán Dios masqui stalanca natalitasiyuy xlihuak huantü lixcájnit tatlahuay pi nìpara tzinú tamacamaxquìputún xlatamatcán Dios.

Xlihuak tamaqolh cristianos huantü chuná talamánalh huix ni amigoj cacatàla. ⁶Huatunín tamaqolh lacchixcuhuín huantü makapitzín talitaxtuy pi luu talipahuán Dios y taliakchuhuínán xtachuhuín, y hasta taán talakapaxihlhnán nac xhiccán amaqolh lakahuitinín lacchaján huantü tatitlahuanit lñhua talakalhín nac xlatamatcán, y masqui talilìpuhuán caj xpàlacata huantü lixcájnit tatitlahuanit niaj lay talakmakán huantü tatlahuay. ⁷Umaqolh lacchaján ankalhíná talacputzamánalh lihuana natacatzìy lácu luu akstìtum natalatamay, pero niaj lay taakataksa xtalulóktat Dios. ⁸Pero naccàhuaniyán làta xamakán quilhtamacú xtahuilánalh çatuy scuhuananín huantü xçahuanicán Janes y Jambres, xlacán ankalhíná xtahuán pi

nìtlán huantü xmasiyuma Moisés y xtamaqalaksputuputún masqui huá amá limapeksín xtalulóktat, pus nachuná chú tamaqolh lacchixcuhuín ni talacasquín nalakapascán xtalulóktat Dios, porque xlacán aya çamaqalaktzankeyahuanit xalixcájnit xtalacapastacnicán y niaj talipahuán Dios. ⁹Pero ni luu makas quilhtamacú catitatapálhìlh porque xlihuak cristianos natacatzìy pi caj taaksaninamánalh y nìtù xtacatzincán, nachuná nacçakspulay cumu la çakspúlalh amaqolh çatiy scuhuananín acxni ni tamatlantìlh huantü xlichuhuìnama kolutzín Moisés.

Akstìtum calilatamálh Timoteo huantü masiyunicanit

¹⁰Pero luu çana clipaxuhuay pi akstìtum lijàpat huantü aquit climaqalhchuhuìnìtán chuná cumu la aquit akstìtum clilama huantü luu cçañajlay, xahua lácu cçapaxquiy cristianos, chuná cumu la quilçamama huantü aquit cliatlihueklha masqui ankalhíná. ¹¹Quimpuzastalamácalh y lñhua huantü quilimapatìnícán cumu la huix stalanca catziya lácu quimapatìnìcalh nac xacachiquín Antioquía, Iconio y Listra, antá lan quintalikamánalh y hasta quintaputlakàlèlh, pero acxni chuná xquintlahuamácalh Quimpuchinacán quimaktáyalh y nìtù quiakspúlalh. ¹²Aquit tancs cuaniyán pi xlihuak amaqolh cristianos huantü luu akatzianca y akstìtum talatamaputún porque tamacamaxquìnìt xlatamatcán Cristo Jesús, xliçana pi lñhua huantü nacalimapatìnícán y nac-

putzastalacán. ¹³Pero laṭa ámaj nahuán quilhtamacú xlihuak amaḱolh laclixcájnít lacchixcuhuín atzinuj tatlahualenit nahuán porque chuná cumu la xlacán taaska-huimínamánalh nahuán načuná sacstucán tataakskahuitamámánalh y natalaktzankatayay.

¹⁴Timoteo, pero huantū huix milacata akstítum caliscujti huantū aya catziya pī milimākantáxtit, y huantū lipahuana pī chuná lakchán, porque stalanca catziya tícu chuná talimākalhchuhuiniñitán. ¹⁵Xāhuachí calacapástacti pī hasta acxnī actzū kahuasa xuanitacú tzucunīta māsiyunicana lácu huan Dios nac xlikalhtahuaka, antá huí lacuán tastacyāhu huantū xtalacapastacni Dios y huá tlan nalilakmāxtuya milīstacni para akstítum lipahuana. ¹⁶Porque xlihuak huantū tatzoktahuilanit nac likalhtahuaka huá xtalacapastacni Dios, huá camālacpuhuāñilh cristianos pī catatzokuílilh y huak aquinín quincālimacuaniyán laquī nacatziyáhu lácu tancs namāsiyuyáhu xtalacapastacni Dios y lácu namātanacsayáhu xtalacapastacni chatum huantū taakskahuinīt y nī akstítum lipahuán Dios, y laquī na nacatziyáhu nacaḱhuaniyáhu lácu xliḱlatamātcán huantū taaktzankatayamánalh nac xlatamātcán, xāhuachí acxtum nalālimākalhchuhuiniyáhu laquī akstítum nalatamayáhu uú nac caquilhtamacú, ¹⁷laquī chuná xlihuak huantū tatlahuaputún xtasújut Dios natalalhiy liḱskalala xāhua talacapastacni y chuná nacatziy lácu namākantaxtīy huantū lacuán tascújut.

4 Nac xlacatín Dios xāhua nac xlacatín Cristo Jesús huantū namimparay cumu la chatum rey laquī nacamaḱalhapaliy nacaṭatlahuay cuenta xlihuak huantū talamánalh xastacná chuná cumu la tī aya tanīñit, aquit clīmaḱepksiyán ²pī ankalhīná caliakchuhuīnanti xtachuhuín Dios, huix calichuhuīnanti acxnī cristianos takaxmatputún y asta māsqui acxnī xlacán nī takaxmatputún huix ankalhīná cacālimākalhchuhuīni. Cacāmaḱataksni huantū nīa lihuanaṭ taakataksa, cacāmauxcāni huantū tataxlanjūanīmánalh nac xtacānajlatcán, cacāhuani lácu akstítum xliḱlatamātcán huantū talaktzankatayaputún nac xtacānajlatcán, y necxnicú cacāliṭlakuanti. ³Porque lakchāma quilhtamacú acxnī cristianos nīaj catitakaxmatpútulh huantū xaxliḱcāna xtalacapastacni Dios huata xmañ huá nataputzay huantū atzinú talakatīy, hasta līhuua cristianos nataputzay xakchuhuīnacán huantū nacāliakchuhuīnaniy huantū xmañ sacstucán takaxmatputún. ⁴Xlihuak xatlán xtalacapastacni Dios natalakmakán huata huá natacānajlay cuentos huantū calichuhuīnancán māsqui caj huak xtalacapastacnicán cristianos. ⁵Pero huantū huix milacata, acxnī para túcuya tascújut natlahuaya lihuanaṭ calacapástacti para chuná lakchán la tlahuaputuna, y acxnī lakchinán tapatín huix catayani y capatī, pero chunaniyá akstítum caliakchuhuīnanti xtachuhuín Cristo huantū māstay laktáxtut, xāhuachí xmañ huá calītaakatzanke laṭa lihuanaṭ nama-

kantaxtiya mintascújut huantu lakayahuacanita.

⁶Pero huantu aquit quilacata, xta-chunatiyá clitamaxteknit cumu la aktum lilakachixcuhuín huantu nalilakachixcuhicán Dios, chuná cuan porque aya talacatzuhuíma quilhtamacú lata naquimaklhticán quilatámat y nacniy. ⁷Pero aquit juerza ctlahuaninít laquí nactayaniy nac quilatámat y nacmakantaxtikoy huantu Dios quililacsacnit, luu xta-chuná quitaxtuy cumu la aktum takamán antanícu latlajacán, pero aya lakchanít quilhtamacú natchán antanícu quilichánat xuanít, luu cana cpauxhuay pi nexncicú luu ctatlajinít y nitu claclatayama huata cmakantaxtinít huantu Dios quimaçuentajlinít. ⁸Ahuatá chú cmakakalhíma acxni Quimpuchinacán naquimaxquiyáchá nac akapún quincorona o taskáhu huantu xlá malacnunit nacamaxquiy xlihuak huanti tamakantaxtiy xtachuhuín. Y ni caj xman aquit caquintimáxquilh huantu malacnunit, sinoque na natamaklhtinán huantu nacalimaskahuicán xlihuak amakolh huanti takalhkahlímánalh acxni namimparay Quimpuchinacán porque tapaxquiy.

Pablo huan lata lácu Dios maktayanit

⁹Timoteo, luu xtlahua lanca litlán, aktum cacatzi juerza catlahuani laquí pála naquilaktana, ¹⁰porque tamá Demas huanti caj xman lakatiy lipaxúhu nalilatamay huantu uú xala caquilhtamacú aktum cátzilh quiakxtekmákalh y alh putzay huantu lakatiy nac xacachiquín Tesalónica; quintalacán

Crescente anit nac xapulatanan Galicia, y Tito na anit nac Dal-macia. ¹¹Caj xman sacstu Lucas quintatamaxteknit. Catlahua litlán caputzapi quintalacán Marcos y acxtum catata porque xlicana pi lan naquilimacuaníy y naquimaktayay nac quintascújut. ¹²Porque amá quintalacán Tíquico aquit cmalakachanit nac Efeso. ¹³Xahuachí acxni natana natlahuaya litlán naquilitaníya capote huantu cakxtekuilinít cxacachiquín Troas nac xchic Carpo; na natalitana quilibros, pero nitu tipatzankaya luu xclacquinca nacalitana amá lacstacaca xuhua antanícu ctzoknunit.

¹⁴Xlicana pi luu lipeçua quimakalipuhanit tamá Alejandro huanti caliscuja catlahuay pailas, porque luhua tu nitlán quintlahuaninít. Pero Quimpuchinacán namaxokoniy lata lácu mininiy napatinán xpalacata huantu tlahuanit. ¹⁵Huix luu skalalh calatapuli nitu tiakshahuiyán, porque luu lipeçua lata quincasitziniyán y ni matlantiy huantu aquinín lichuhuinanáhu xtachuhuín Cristo.

¹⁶Acxni huacu quintamacxtúcalh nac pulachin laquí naquintamakalhapaliy mapeksinanín nipara çatum tícu xquinkalhmaktáyalh. Xuá Dios pi ni xcalimapatinichán caj xpalacata huantu quintatlahuánilh. ¹⁷Pero masqui nití quinkalhmaktáyalh solamente Quimpuchinacán quimaktáyalh xlá quimáxquilh litlihueke laquí tlan nacliakchuhuínán amá lipaxúhu xtachuhuín Cristo huantu mastay laktáxtut, y xlihuak amakolh huanti ni talakapasa xtachuhuín Dios aquit ccamaxmátalh lata lácu xlá calakmaxtuputún xlihuak

cristianos. Pero huá Dios quilakmáx-tulh laquì nì naquintahuay tamakolh laclipecuánit lapánit, ¹⁸y chunatiyá quimaktakalhma nahuán laquì tlan nacchán nac akapún y naquimaxquiy amá tapaxuhuán huantu xlá malacnuy. ¡Caj xman sacstu mininiy namaxquicán cácnit canexnicahuá quillhtamacú! Chuna calalh, amén.

Pablo ahuatá caxakatli lacán canajlanín

¹⁹Catlahua litlán lipaxúhu caqui-laxakatlinicháhu y huantu quilacata

cacamacatiyapítit Prisca y Aquila, nachuna xlihuak huanti tahuilánalh nac xchic Onesíforo. ²⁰Erasto antá tamakxtekchá nac Corinto, y Trófimo cumu xtatatlay antá cmakxtekchá nac Mileto. ²¹Clacpuhuán pì pálah tuncán xtat lihuán niá lakchán calonkni. Luu lipaxúhu taxakatli lacamachán Eubulo, Pudente, Lino, Claudia y xlihuak natalán huanti uú xalanín.

²²Clacasquín pì Quimpuchinacán Jesucristo acxtum catalatamán.